

Иш ўз аҳлидан бошқага берилганда Қиёматни кутавер | Сийрат дарслари (302- дарс)



19:00 / 11.10.2024 1428

513. Жобир ибн Абдуллоҳ розияллоҳу анхұмодан ривоят қилинади:

«Расулуллоҳ соллаллоҳу алайҳи васаллам билан ғазотда әдим, бўрам (сувчи туям) чарчаб қолди. Секинлаб қолган туямында кетаётсам, Набий соллаллоҳу алайҳи васаллам ёнимга келдилар. Туя зўрға юради. Шунда у зот менга: **«Туянгга нима бўлди?»** дедилар. «Чарчаб қолди», дедим. Шунда у зот орқага ўтиб, уни қистадилар ва дуо қилдилар. Туя барча туялардан ўзиб, уларнинг олдида юриб кетди. Шунда у зот менга: **«Туянг қандай бўлиб қолди?»** дедилар. «Яхши, унга баракангиз тегди», дедим. **«Уни менга сотасанми?»** дедилар. Бизнинг бундан бошқа сувчи туямыз бўлмаса ҳам, уялганимдан: «Ҳа», дедим. **«Уни менга сот?»**, дедилар. Мен туяни Мадинага етиб олгунча миниб боришими шарти билан у зотга сотдим. Кейин: «Эй Аллоҳнинг Расули, мен янги куёвман», деб изн сўрадим. У зот менга изн бердилар. Адийна томонга юриб, одамлардан илгарилақ кетдим. Тоғам йўлиқиб, туя ҳақида сўради. Унга нима қилганим ҳақида хабар бердим. У мени маломат қилди. Изн сўраганимда Расулуллоҳ соллаллоҳу алайҳи васаллам менга: **«Бокирага уйландингми ёки жувонгами?»** дедилар. «Жувонга уйландим», дедим. **«Бокирага уйланганингда сен у билан ўйнашар эдинг, у ҳам сен билан ўйнашар эди»**, дедилар. «Эй Аллоҳнинг Расули, отам вафот қилиб ёки шаҳид бўлиб, кичик сингилларим

(менга) қолди. Улар тенгига уйлансам, уларга одоб бера олмайди, уларга қарай олмайди деб, жувонга уйландим. Уларга қарасин, одоб берсин, деб үйладим», дедим. Расулуллоҳ соллаллоҳу алайҳи васаллам Мадинаға етиб келгандарида эрталаб туяни олиб бордим. У зот менга қийматини бердилар. Кейин ўзини ҳам қайтариб бердилар».

Бухорий ва Муслим ривоят қилишган.

514. Абу Саъид Худрий розияллоҳу анҳудан ривоят қилинади:

«Билол барний (навли) хурмо келтирди. Шунда Расулуллоҳ соллаллоҳу алайҳи васаллам унга: «**Бу қаердан?**» дедилар. «Бизда сифатсиз хурмо бор эди. Набий соллаллоҳу алайҳи васаллам тановул қилсинглар деб, унинг икки соъига бир соъ алмаштиридим», деди Билол. Шунда Расулуллоҳ соллаллоҳу алайҳи васаллам: «**Бай-бай! Бу айни рибо. Бундай қилма!** **Агар хурмо сотиб олмоқчи бўлсанг, буни савдо қилиб сотгин-да, унинг пулига бошқасини сотиб ол**», дедилар».

Бухорий ва Муслим ривоят қилишган.

515. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам бир мажлисда қавмга гапираётган эдилар. У зотнинг олдиларига бир аъробий келиб: «Киёмат қачон?» деди. Расулуллоҳ соллаллоҳу алайҳи васаллам гапларида давом этавердилар. Қавмнинг баъзилари: «Унинг гапини эшитдилару, аммо ёқтирамадилар», деди. Бошқалари эса, «эшитмадилар», дейишди. У зот гапларини тугатиб бўлиб: «(Бояги) **қани?**» дедилар. Менимча, Киёмат соати ҳақида сўровчи, (дедилар). «Мана, менман, Эй Аллоҳнинг Расули», деди. «**Омонат зое қилинганда Киёматни кутавер**», дедилар. «Унинг зое қилиниши қандай бўлади?» деди. «**Иш ўз аҳлидан бошқага берилганда Киёматни кутавер**», дедилар».

Бухорий ривоят қилган.

Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosаси асосида чоп этилган.